

淨土五經系列《阿彌陀經》演講第三十四講

經文說明

佛陀教育基金會

民國108年1月24日

蔡恆明老師

（請合掌）

南無本師釋迦牟尼佛！南無本師釋迦牟尼佛！南無本師釋迦牟尼佛！

◎開經偈◎

「無上甚深微妙法

百千萬劫難遭遇

我今見聞得受持

願解如來真實義」

◎四弘誓願◎

「眾生無邊誓願度

煩惱無盡誓願斷

法門無量誓願學

佛道無上誓願成

自性眾生誓願度

自性煩惱誓願斷

自性法門誓願學

自性佛道誓願成」

經文一

「舍利弗。如我今者。稱讚諸佛不可思議功德。彼諸佛等。亦稱讚我不可思議功德。而作是言。釋迦牟尼佛。能為甚難希有之事。能於娑婆國土。五濁惡世。劫濁。見濁。煩惱濁。眾生濁。命濁中。得阿耨多羅三藐三菩提。為諸眾生。說是一切世間難信之法。」

【申論】

一、《要解》：「下又曰諸佛不可思議功德，我不可思議功德，是諸佛釋迦，皆以阿彌為自也。阿閼鞞，此云無動。佛有無量德，應有無量名。隨機而立，或取因，或取果，或性，或相，或行願等。雖舉一隅，仍具四悉。隨一一名，顯所詮德。劫

壽說之，不能悉也。東方虛空不可盡，世界亦不可盡。世界不可盡，住世諸佛亦不可盡。略舉恒河沙耳。此等諸佛，各出廣長舌勸信此經。而眾生猶不生信，頑冥極矣。常人三世不妄語，舌能至鼻。藏果頭佛，三大僧祇劫不妄語，舌薄廣長可覆面。今證大乘淨土妙門，所以遍覆三千。表理誠稱真，事實非謬也。標出經題，流通之本。什師順此方好，略譯今題，巧合持名妙行。柴師譯云《稱讚淨土佛攝受經》。文有詳略，義無增減。」

二、此文述諸佛轉讚之辭。呼舍利弗而告曰。如我今者。稱讚諸佛不可思議功德。研究上文。釋迦自說。如我今者。讚歎阿彌陀佛。不可思議功德之利。此云稱讚諸佛。當以二義釋之。一以彌陀即法界藏身。前云念一佛。即念一切諸佛。則讚彌陀。即稱讚諸佛也。二釋迦述六方諸佛。勸信之辭。即有讚歎諸佛。助揚淨土功德。故曰稱讚諸佛也。

三、彼諸佛等。亦稱讚我不可思議功德。即為諸佛轉讚。而作是言下。即轉述諸佛讚辭。能為甚難希有之事。此二句是總讚。下五濁成道。說此經法。是為別讚。

四、《要解》：「諸佛功德智慧。雖皆平等。而施化則有難易。」

五、佛佛道同。故所有功德智慧。悉皆平等。所有自證雖皆平等。而施化他之跡。則有難易不同。亦各隨願力而已。

六、《要解》：「淨土成菩提易。濁世難。為淨土眾生說法易。為濁世眾生難。為濁世眾生說漸法猶易。說頓法難。」

七、淨土。即極樂五清之淨土。又十方清淨佛土。濁世。即娑婆五濁之惡世。兩土成佛說法。自有難易之分。據便蒙鈔。說有十種。

(一) 淨土常常見佛故易。濁世不常見佛故難。

(二) 淨土常常聞法故易。濁世不常聞法故難。

(三) 淨土諸善俱會故易。濁世惡友牽纏故難。

(四) 淨土無有魔事故易。濁世群魔惱亂故難。

(五) 淨土不受輪迴故易。濁世輪迴不息故難。

(六) 淨土無三惡道故易。濁世惡趣難逃故難。

(七) 淨土勝緣助道故易。濁世塵緣障道故難。

(八) 淨土壽命無量故易。濁世壽命短促故難。

(九) 淨土圓證不退故易。濁世修行多退故難。

(十) 淨土一生成佛故易。濁世多劫難成故難。

(十一) 以上乃論淨土濁世成佛難易之相。

八、為淨土眾生說法易。為濁世眾生難者。淨土眾生根利。惑業俱輕。故一聞說法。

即便信受。發解起行。速得證入故易。濁世眾生根鈍。惑深業重。雖聞說法。聞多不信。則解行證入。更不待言。故謂之難。

九、為濁世眾生說漸法猶易。說頓法難者。漸法即五戒。十善。四諦。十二因緣等法。

猶易生信。若說頓法。即大乘圓頓之法。眾生本來是佛。萬法不出一心等法。則雖說者諄諄。而信者寥寥。故謂之難。

十、《要解》：「為濁世眾生說餘頓法猶易。說淨土橫超頓法尤難。」

十一、餘頓法。指淨土之外。其餘說禪宗。是最上一乘。圓頓修證之法。不立語言文字。不起思量分別。一念不生。當體即佛等法。猶覺容易。而說淨土橫超三界。疾出生死之頓法。而望其信入者尤難。

十二、《要解》：「為濁世眾生。說淨土橫超頓修頓證妙觀。已自不易。說此無藉劬勞修

證。但持名號。徑登不退。奇特勝妙。超出思議。第一方便。更為難中之難。故十方諸佛。無不推我釋迦。偏為勇猛也。」

十三、此以淨土比較。為濁世眾生。說淨土橫超之法。頓修頓證妙觀。即實相念佛。與觀想念佛。已自不易。說此無藉劬勞。但修持名一法。執持名號。七日一心不亂。即得往生極樂。徑登三不退位。一生補處。圓成佛果。此等奇特希有。殊勝絕妙之法。超出思議之表。為方便中第一方便。此更為難中之難也。故得諸佛稱讚。無一不推我釋迦。於佛道難成者能成。於頓法難說法者能說。偏為勇猛。大雄大力者也。

十四、《要解》：「劫濁者。濁法聚會之時。劫濁中。非帶業橫出之行。必不能度。」十五、此下明五濁。本師於五濁惡世成佛。為濁世眾生說法。深知此界眾生。非此持名圓頓之法門。必不容易度出生死海。故無問自說。不特佛道難成能成。即此頓法難說。亦能說。為甚難希有也。故蕩公解此五濁之文。一一按持名念佛法門。而解釋之。

十六、劫濁者。劫是時分。本來無有濁。因有四種濁法。聚會此時。是以成濁。楞嚴經云。譬如清水。清潔本然。如若有人。投以沙土。土失留礙。水亡清潔。容貌汨然。名之為濁。

十七、劫濁無別體。四濁交湊。即其相也。此當減劫。人壽減至二萬歲時。眾生具下四濁。即名劫濁。若減至人壽百歲。名為五濁惡世。本師於此時出世。成道說法。足見本師願力之堅強。不畏不懼。極樂世界。是五清淨土。無有濁惡之事。我等自當捨濁就清。求生彼國。以超劫濁。但劫濁之中。若非持名念佛。帶業往生。突圍而出。橫超三界之行。必不能得度。

十八、《要解》：「見濁者。五利使邪見增盛。謂身見。邊見。見取。戒取。及諸邪見。昏昧汨沒。故名為濁。見濁中。非不假方便之行。必不能度。」

十九、見濁者。五利使為體。諸見熾盛。即其相也。五利使。謂身見。邊見。見取。戒取。及諸邪見。以此五種之惑。能使眾生造業受報。趣入生死。故名為使。機微迅速。是以曰利。

(一) 身見者。妄認四大為身。而起我身之見。深生愛著。不悟四大假合。虛幻無常。

(二) 邊見。執斷執常。而起二邊之見。一味偏執。不悟見解既偏。失乎中道。

(三) 見取見。非果計果。而起涅槃之見。未證謂證。不悟有漏界中終非究竟。

(四) 戒取見。非因計因。而起持戒之見。修諸苦行。不悟蒸沙作飯塵劫難成。

(五) 邪見。撥無因果。而起邪外之見。以盲引盲。疑誤眾生。墮入深坑。

(六) 此五種妄見。昏昧汨沒。渾濁自性。故名見濁。極樂國中。人皆正見。

我等自當念佛。求生彼國。以超見濁。但見濁之中。若非一心持名念佛。不容絲毫意見。不假參究觀想。諸餘方便之行。必不能得度。

二十、《要解》：「煩惱濁者。五鈍使頓惑增盛。謂貪。瞋。癡。慢。疑。煩動惱亂。故名為濁。煩惱濁中。非即凡心是佛心之行。必不能度。」

二十一、煩惱濁者。五鈍使為體。煩惱惑增盛。即其相也。五鈍使。謂貪瞋癡慢疑。五種根本煩惱。能生其餘枝末煩惱。惑亂眾生之心。故以煩惱增盛為其相。根本煩惱有六。前五利使。即不正見根本煩惱。屬見惑。此五鈍使。屬思惑。以此五種之惑。能使眾生。造業受報。趣入生死。故名為使。比前五利。稍為重滯。是以曰鈍。

(一) 一者貪心。於順情境上。起諸貪愛。不能看破。不了一切有為法。如夢亦如幻。

(二) 二者瞋心。於違情境。起諸瞋恨。不能含忍。不了一念瞋心起。八萬障門開。

(三) 三者癡心。於中庸境上。起諸癡心。不能覺察。不了諸行是無常。到底總是空。

(四) 四者慢心。於諸眾生。心起傲慢。不能謙遜。不了諸眾生。佛性本平等。

(五) 五者疑心。於諸人法。心起疑貳。不能決斷。不了是善則可親。是道則可進。

(六) 此五種妄心。煩動惱亂。渾濁自性。故名煩惱濁。極樂國中。諸善聚會。離諸煩惱。我等自當念佛。求生彼國。超煩惱濁。但煩惱濁中。若非持名念佛。無取無捨。即凡心是佛心之行。必不能得度。

二十二、《要解》：「眾生濁者。見煩惱。所感麤弊五陰和合。假名眾生。色心並皆陋劣。故名為濁。眾生濁中。非欣厭之行。必不能度。」

二十三、眾生濁者。五陰和合為體。假名稱呼。即其相也。見煩惱所感麤弊五陰者。即見思二惑。為界內生死之因。依見思惑。造有漏業。為緣。惑業因緣為能感。

麤弊五陰為所感。

二十四、麤弊五陰者。麤是麤陋。弊是弊惡。謂其不勝也。五陰。即色。受。想。行。識。陰有蓋覆義。眾生積聚五法。蓋覆真性故。

(一) 何為和合？眾生外身。是色陰。有質礙之義。以皮肉筋骨。皆有形質留礙。故屬色陰。

(二) 內心是後四陰。受有領納之義。前五識。緣色聲香味觸。領受五塵之境。故屬受陰。

(三) 想有取像之義。第六識。種種分別計度。想像法塵之境。故屬想陰。

(四) 行有遷流之義。第七識。恆審思量。念念遷易。如急流水。故屬行陰。

(五) 識有執持之義。第八識執持息煖壽三者。一期住世。令不散壞。故屬識陰。

二十五、 中間三陰。有謂是遍行五心所(一作意，二觸，三受，四想，五思)中。受想思三心所者。今分屬前七識。有何義可據？以諸識雖皆有受。而前五識。領受五塵。受力偏強。故以屬之(受)。又。諸識雖皆有想。而第六識。憶想分別。想力偏勝。故以屬之(想)。又。諸識雖皆有思。而第七識。恆審思量。思義偏重。故以屬之(思)。若以中三陰。判屬受想思三心所。不能包括前七識。今判屬前七識。自可不遺心所。請質高明。

二十六、 五陰。不出色心二法。色法。有地水火風四大。外身。皮肉筋骨。為地大。痰淚精血。為水大。周身煖觸。為火大。氣息動轉。為風大。四大和合。外身生。四大分離。外身死。心法。有八識心王。五十一心所。以此六十三法和合。假名眾生。即眾法和合而生。故稱眾生。

二十七、 色心並皆陋劣者。陋則不美。劣則不勝。此之色心。不淨。無常。苦。空。故並皆陋劣。名眾生濁。極樂生身。蓮華化生。清淨莊嚴。微妙相好。我等自當念佛。求生彼國。超眾生濁。但眾生濁中。若非持名念佛。欣慕極樂。厭離娑婆。捨穢取淨之行。必不能得度。

二十八、 《要解》：「命濁者。因果並劣。壽命短促。乃至不滿百歲。故名(命)〔為〕

濁。命濁中。非不費時劫。不勞勤苦之行。必不能度。」

二十九、命濁者。色心連持為體。催年減壽。即其相也。因果並劣。因。即見濁。煩惱濁。見思二惑。為受報之因。果。即是眾生濁。麤弊五陰。為託生之果。若因若果。並皆是劣。命以色心二法。互相連持為體。

(一) 色。即地水火風之色法。

(二) 心。即見聞覺知之心法。

(三) 身心相依為命。若無識陰之心執持。則色法之身必爛壞。若無色法之身執持。則八識之心無所託。故曰連持。

(四) 催年減壽。即壽命短促。乃至不滿百歲。故名命濁。

三十、極樂國中。彼佛壽命。及其人民。無量無邊。我等自當發心念佛。求生彼國。超越命濁。但命濁中。若非一心念佛。七日功成。乃至十念一念。皆得往生。隨人工夫善根。皆得滿願。如大海水。阿修羅。乃至蚊蚋。飲之皆得應量而飽。並不費時劫。不勞勤苦之行。必不能得度。

三十一、《要解》：「復次。祇此信願。莊嚴一聲阿彌陀佛。轉劫濁。為清淨海會。轉見濁。為無量光。轉煩惱濁。為常寂光。轉眾生濁。為蓮華化生。轉命濁。為無量壽。」

三十二、此明信願行三資糧能轉五濁。祇此信願。莊嚴一聲阿彌陀佛者。謂不必假藉諸餘法門。只此信願行三資糧。即可轉五濁為五清。信願是慧行。為能莊嚴。依慧行而起行行。執持一聲阿彌陀佛。即行行。又即以此二行。莊嚴淨土。故能轉五濁也。眾生自心法界。本來清淨。迷則成濁。今既覺悟。而起信願行三資糧。自可轉濁成清。莊嚴淨土矣。



(一) 劫濁。為濁法聚會之時。今念佛往生極樂。則轉劫濁。為淨法聚會。

(二) 見濁。邪見增盛。今念佛往生極樂。則轉見濁。成智德無量光。

(三) 煩惱濁。煩惑增盛。今念佛往生極樂。則轉煩惱濁。成斷德常寂光。

(四) 眾生濁。色心陋劣。今念佛往生極樂。則轉眾生濁。為蓮華化生。清淨

勝妙。

(五) 命濁。壽命短促。今念佛往生極樂。則轉命濁。為無量壽。壽與佛同。

此皆以三資糧為能轉。五濁為所轉。舉世之人。如果個個都能發心念佛。轉穢令淨。轉苦為樂。則不難轉娑婆而成極樂矣。

三十三、《要解》：「故一聲阿彌陀佛。即釋迦本師。於五濁惡世。所得之阿耨多羅三藐三菩提法。」

三十四、「故」字。承上文。一聲佛號。能圓轉五濁。圓成五清。則一聲佛號功德。不可思議。即是本師。於五濁惡世。所修因行。所得果覺之全體也。

三十五、《要解》：「今以此果覺全體。授與濁惡眾生。乃諸佛所行境界。唯佛與佛能究盡。非九界自力。所能信解也。」

三十六、「以此」之此字。指上文一聲阿彌陀佛。即是本師所證果覺之全體。今即以此果覺全體。一聲阿彌陀佛。授與五濁惡世眾生。如何授與。佛說此經。教人起信。發願。專持一聲阿彌陀佛名號。便得圓成果覺。故為授與。

三十七、乃諸佛所行境界者。能於五濁惡世。說難信之法。乃是諸佛所行之境界。唯佛與佛。乃能究盡。難行能行也。

三十八、非九界自力所能信解者。非獨六凡二乘。自力不及。亦非菩薩法界。自力所能信解也。

三十九、《要解》：「諸眾生。別指五濁惡人。一切世間。通指四土器世間。九界有情世間也。」

四十、為諸眾生。說是一切世間難信之法。諸眾生。是別指五濁惡世之人。一切世間。是通指情器二世間。因佛自居佛法界。是正覺世間。說是一切世間難信法。此一切世間。包括九法界。是通指四土。依報之器世間。及九法界。正報之有情世間。初諸佛轉讚竟。

四十一、《要解》：「前勸信流通。是諸佛付囑。此本師付囑。囑語略別從通。但云一切世間。猶前諸佛所云。汝等眾生。當知文殊迦葉等。皆在所囑也。」

四十二、此科題以下之文。乃蕩公標明科意。科名教主結歎。亦即付囑流通。前勸信流通。是諸佛付囑。此本師付囑。囑語略別從通者。上科有別指通指二義。本科但云為一切世間。不云為諸眾生者。即略其別義。但從通義。以通該別也。猶如前文。六方諸佛。勸信文中所云。汝等眾生。當信是。汝等二字。通指彼國九界眾生在內。今本師云一切世間。亦復如是。當知文殊迦葉等。皆在所囑也。

補充一：「怎麼才能得一切諸佛的護念？」淨空法師

「又小本曰：汝等眾生，當信是稱讚不可思議功德，一切諸佛所護念經」，這是要你信這部經典。小本跟大本是同一部，小本裡面所說的可以應用在大本上，大本上所說的可以解釋小本，它是一不是二，這是教我們要信這部經。為什麼要信它？這部經稱讚，誰稱讚？十方一切諸佛，一切諸佛如來都讚歎這一部經，《無量壽經》或者是《阿彌陀經》，讚歎什麼？不可思議功德。為什麼？它能夠普度十法界一切諸佛剎土裡面的六道眾生。六道是最苦、最難度的，這部經能度他們，而且幫助他們當生成就無上菩提，

這個功德就不可思議！把他從惡道度到善道，從善道度到天道，從天道度到聲聞、緣覺，這個功德也很大，是可思可議；把這個眾生度到成佛，這個不可思議。誰能相信？諸佛如來相信、法身菩薩相信。那我們如果肯定諸佛如來的智慧、道德超過我們，他們相信了，我們能不信嗎？他們相信的、他們宣揚的這個法門一定不會錯。

所以這部經典完全是用諸佛如來的口吻勸導我們。一切諸佛所護念經，這句話很重要！我能得到一切諸佛護念嗎？能，你身上有這部經諸佛就護念你，你心裡頭有一句佛號諸佛就護念你，這不就很明顯，你得到十方三世所有一切諸佛護念你。我天天念這個經，諸佛護念。諸佛護念那就是無比的吉祥，什麼樣的災難、魔障你都遇不到。為什麼？你有諸佛護念。其他的經上沒有這句話，只有這部經上有，問題就是你不相信，你不相信那就沒法子。所以它叫難信之法，真妙，真難得！

「又不思議，即不可思議」，不可思議，大乘經上常講的。「本經小本之原名」，就是《阿彌陀經》，佛在經上說過，佛給它定的名字，為「《稱讚不可思議功德一切諸佛所護念經》」，這是本師釋迦牟尼佛為這個經定的名稱。經上講得很清楚，羅什大師為順，就是隨順中國傳統文化，把這個經題定作《佛說阿彌陀經》，隨順中國文化。定得好，為什麼？淨宗修行最重要的就是持名念佛。所以他用意譯，他不是用直譯，這是智慧，真實智慧，真實之利。所以這個名稱，佛定的名稱，讓我們從這個名稱上，你了解這部經它的重要性。「稱讚不可思議功德」，誰稱讚？一切諸佛稱讚，這還得了嗎？「一切諸佛所護念」，換句話說，你要真正念這句阿彌陀佛，你就成就不可思議功德，你就得到一切諸佛的護念，這在此地有憑有據，絕不是假的。你為什麼不念佛？為什麼一天到晚還胡思亂想？想的那些東西全是垃圾、全是六道輪迴的，起心動念沒有離開六道輪迴。起心動念全是阿彌陀佛，你離開六道輪迴，六道裡頭沒有阿彌陀佛，這樁事情

不能不知道。諸佛菩薩、祖師大德、翻經的這些法師們，你看他們的慈悲善巧方便，念念都是以利益眾生為出發點，念念希望一切眾生，在這一生當中，依這個法門，了生死出三界，成佛作祖，這是多麼大的恩德！我們為什麼要當面錯過呢？

補充二：「一聲阿彌陀佛，即釋迦本師於五濁惡世所得阿耨多羅三藐三菩提法」淨空法師「又《要解》云：故一聲阿彌陀佛，即釋迦本師於五濁惡世所得阿耨多羅三藐三菩提法。今以此果覺全體授與濁惡眾生，乃諸佛所行境界，唯佛與佛能究盡，非九界自力所能信解也。」這是《要解》裡頭的一段文，蕩益大師說的。這一段話非常重要，這一聲阿彌陀佛，就是信願持名。釋迦牟尼佛是修什麼樣的法門成佛的？在《彌陀經》上告訴我們，釋迦牟尼佛是念阿彌陀佛成佛的。所以他在五濁惡世行此難行之法，這是給我們做證明，三轉法輪作證轉。佛這樣的宣傳、這麼樣的介紹，他自己要不是修這個法門，我們都會懷疑：這麼好的法門，你為什麼不修？佛果然是修這個法門成佛的。可是這樁事情，古今許許多多大德，你看哪個沒有念過《彌陀經》的，都沒有把這個事情說明白、講清楚，沒有。只有蕩益大師發現了，說清楚、說明白了。我們想想確實沒有錯，證明了念佛是因，成佛是果。等覺菩薩回轉過來修這個法門，成佛就快了，立刻就成佛了。

現在，世尊將他修行成佛這個法門，「全體授與濁惡眾生」，毫無保留，告訴你信、願、持名。圓圓滿滿的傳授給你，六道凡夫，濁惡眾生是六道凡夫。這個法真叫難信之法，五濁惡世，不要斷煩惱，不要消業障，單憑這一句佛號，就能往生不退成佛。我們凡夫相信，菩薩不相信，聲聞、緣覺不相信，不是奇怪了嗎？佛把這樁事情講清楚了，凡是能相信的凡夫，乃至地獄眾生，聽到別人勸導他能接受、能相信、能真幹，

世尊說這個人過去生中曾經供養無量諸佛。現前因緣成熟，他得到無量諸佛的加持，所以他歡喜接受，就能發願往生，一心專念，他就成功了。由此可知，世出世間法決定沒有偶然的事情，因深，因緣非常深。我們凡夫看不到，佛看清楚了，法身菩薩對這樁事情也只是模糊，不是十分清楚。十分清楚，唯佛與佛能究竟，所以這是諸佛所行的境界。九界，菩薩、聲聞、緣覺，下面是六道，這叫九界，九界眾生靠自己的力量沒有辦法信解。世尊把這個法門傳授給濁惡眾生，濁惡眾生就決定不是自力所能信解，他為什麼能信解？靠他力加持，無量諸佛的加持，他相信、他能解，他在一生當中能成就。這個就是大乘教上常講的，佛不度無緣眾生，為什麼？無緣他不相信，他不能接受，他對這個生不起信心。

### 補充三：《無量壽經光明遍照第十二》

「佛告阿難：阿彌陀佛威神光明，最尊第一。十方諸佛，所不能及。遍照東方恒沙佛剎，南西北方，四維上下，亦復如是。若化頂上圓光，或一二三四由旬，或百千萬億由旬。諸佛光明，或照一二佛剎，或照百千佛剎。惟阿彌陀佛，光明普照無量無邊無數佛剎。諸佛光明所照遠近，本其前世求道，所願功德大小不同。至作佛時，各自得之。自在所作，不為預計。阿彌陀佛，光明善好，勝於日月之明千億萬倍。光中極尊，佛中之王。是故無量壽佛，亦號無量光佛，亦號無邊光佛、無礙光佛、無等光佛，亦號智慧光、常照光、清淨光、歡喜光、解脫光、安隱光、超日月光、不思議光。如是光明，普照十方一切世界。其有眾生，遇斯光者，垢滅善生，身意柔軟。若在三途極苦之處，見此光明，皆得休息，命終皆得解脫。若有眾生聞其光明威神功德，日夜稱說，至心不斷，隨意所願，得生其國。」

補充四：「臨命終時阿彌陀佛會先放光再來接引我們」 淨空法師

當我們臨命終時，阿彌陀佛一定會來接引。這時不能懷疑，一懷疑機會就錯過了。

阿彌陀佛來接引時，首先會先放光，佛光注照。光的顏色並不一樣，那是看你自己修行的功夫，不是佛要放哪個光，佛放光是平等的，是我們自己業力不相同所感受的不一樣。有人看到金色光，有人看到黃色、白色的光，你只要見到佛光，就更認真念佛，阿彌陀佛一定會出現，一定來接引你。而且時間都很快，不會有很長的時間在等你，時間很短，阿彌陀佛會來接引你，這個信心要有。

有些念佛人，我們送往生的時候也見到，他在前二、三天就見到阿彌陀佛來了，甚至於連續幾天都見到，這都是好事情。所以我們決定要增長信心，絕不動搖，等阿彌陀佛來接引，這真的是萬無一失。

心得：今天學到了什麼？如何應用在日常生活上？

下次進度：第三十五講「經文說明」

上課日期：2月10日（星期日）

阿彌陀佛！

◎三皈依文◎

「自皈依佛，當願眾生，體解大道，發無上心。

自皈依法，當願眾生，深入經藏，智慧如海。

自皈依僧，當願眾生，統理大眾，一切無礙。」

◎懺悔業障◎

「往昔所造諸惡業，皆由無始貪瞋癡，  
從身語意之所生，一切我今皆懺悔。  
罪從心起將心懺，心若滅時罪亦亡，  
心滅罪亡兩俱空，是則名為真懺悔。」

### ◎淨土迴向發願文◎

「一心皈命，極樂世界，阿彌陀佛。

願以淨光照我，慈誓攝我。

我今正念，稱如來名，為菩提道，求生淨土。

佛昔本誓，若有眾生，欲生我國，志心信樂，乃至十念，若不生者，不取正覺。

以此念佛因緣，得入如來大誓海中。

承佛慈力，眾罪消滅，善根增長。

若臨命終，自知時至，身無病苦，

心不貪戀，意不顛倒，如入禪定。

佛及聖眾，手執金台，來迎接我，於一念頃，生極樂國。

花開見佛，即聞佛乘，頓開佛慧，廣度眾生，滿菩提願。

十方三世一切佛！一切菩薩摩訶薩！摩訶般若波羅密！」

### ◎普皆迴向偈◎

「聽經功德殊勝行，無邊勝福皆迴向，

普願沉溺諸眾生，速往無量光佛剎。

十方三世一切佛，一切菩薩摩訶薩，

摩訶般若波羅蜜。」

